

وزیر اعظم نریندر مودی نے جی ایس ٹی نانہ آزادی تیں بعد سب تیں بڑی سدھار کاروائی قرا دتو ہے اُن گو کہنو تھو جے اس کاروائی سنگ پسیو درمیانہ درجہ غا افارڈ غی جیباں مانہ جان غی اُمید کی گئی تھی کیونجے کئی چیزاں ور ٹیکس مانہ کمی کی گئی جنمانہ روٹی تے زندگی بچان آلی دوائیں شاملہیں وزیر اعظم کل ایوارڈ جتن آلا اساتزہ سنگ کل نویں دلی مانہ گل بات کرریا تھا اس موقع ور جناب مودی نے دسیو جے دو سلیب ور مبنی ٹیکس آئیندہ 22 ستمبر نانہ پہلی نورتری غا موقع ور لاگو ویگو واضع رہ جے جی ایس ٹی کونسل نے بدھار غے روز بکھ بکھ چیزاں ور ٹیکس غی کمی اعلان کیو تھو جنمانہ خوارک دوائیں ضروری اجناس سبز توانائی لوہکی کارت بانک وغیرہ شامل ہیں اس توں علاوہ ضروری چیز جن مانہ زندگی تے میڈیکل بیمہ زندگی بچان غی ادویات تے خوارک غی چیز جس مانہ دودھ تیں بنی چیز شامل ہیں تیروٹی نانہ ٹیکس تیں متسنے بنا دتو گیو ہے۔

RELIEF MEASURES

سرکار نے بارشاں تیں سیلابی صورتحال تیں متاثرہ افراد نانہ ریلیف مہیا کران تے باز آباد کاری غا کم مانہ تیزی آئی ہے تے اس سلسلہ مانہ بکھ بکھ ایجنسیاں نانہ کم ور لایو گیو ہے بین وزارتی ٹیم جھڑی یوٹی غا دورہ رات آئی ہے نے کل کٹھوعہ مانہ ہوا نقصان گو جائیزو لیو تے زمینی سطح ور ہوا نقصان بارے جاناکری حاصل کی ڈپٹی کمشنر کٹھوعہ راجیش کمار غا تعاون سنگ اس ٹیم نے ساہڑھ پُل جھلوٹ ت گھاٹی وغیرہ علاقہ گو دورو لایو یاہ ٹیم لکھنپور وی گئی جت سڑکاں تے پلاں نانہ پُجیا نقصان نانہ دیکھیو اُمید ہے جے یاہ مرکزی ٹیم اج دوڈہ غو دورو لاوے غی۔

CS MEETINGS

چیف سیکرٹری اٹل ڈلو نے کل دو بکھ بکھ میٹنگاں غی صدارت کرتا واں سیلاب تیں متاثرہ علاقہ مانہ باز آباد کاری تے سڑکاں غی بھالی گا کم گو جائیزو لیو ان میٹنگاں مانہ انتظامی سیکرٹری تیں علاوہ ڈویژنل کمشنراں تے ڈپٹی کمشنراں نے شرکت کی۔

JAMMU1.07 Cr

ضلع انتظامیہ جموں غی طرفوں ہالیہ بارشاں تے سیلابی صورتحال مانہ تباہ ہوا مکانات گا 231 معاملہ مانہ 1 کروڑ 7 لکھ روپیاں غی امداد منظور کی گئی ہے سرکاری ذریعہاں نے جانکاری دیتا واں دسیو ہے جے ضلع سطح غی کمیٹی غی سفارش ور ڈپٹی کمشنر جموں غی طرفوں ریلیف غی اس رقم نانہ متاثرہ گنباں غا حق مانہ منظوری دتی گئی ہے یاہ رقم متاثرین غا بنک کھاتاں مانہ براہ راست فائدو منتقلی سکیم ڈی بی ٹی غے ذریعے جموں گا ڈپٹی کمشنر غا دفتر تیں براہ راست منتقل کی جائگی۔

WEATHER STATIONS

جموں ن کشمیر یو ٹی مانہ موسمی پیشن گوئی نانہ بور درست بنان غی خاطر مرکزی سرکار غی طرفوں مشن موسم غے تحت 4 اضافی راڈار نصب کیا جان غو اعلان کیو گیو بے جموں غا ڈویزنل تے ضلع افسران سنگ منعقد کی گئی اک اعلیٰ سطحی جائیزہ میٹنگ مانہ بولتان واں مرکزی وزیر ڈاکٹر جتندر سنگھ نے دسیو جے خطہ گا بر ضلعو بارے مزید درست تے پیش گی موسمی جانکای مہیا کران غی خاطر یوہ قدم چایو جاریو بے واضع رہ جے موسم غی پیش گی جانکاری مہیا کران غی خاطر اس ولے جموں کشمیر مانہ 3 ایسا ریڈار کم کرریا ہیں۔

TEACHERS DAY

اج پورا ملک مانہ یوم اساتذہ منایو جاریو وے یوہ دن ماہر تعلیم تے سابق صدر جمہوریہ ڈاکٹر رادھا کرشن غا جنم تہاڑہ غا موقع ور منایو جے اج نویں دلی مانہ صدر جمہوریہ دروپدی مرمو اساتذہ نانہ قوم اعزاز سنگ نواز ربی بے یوہ سالانہ اعزاز اساتذہ غی بہترین کارکردگی غا اعتراف مانہ دت اجئیں جنہاں نے تعلیم غا معیار مانہ نکھار پیدہ کرتا واں طالب علماں غی زندگیاں ور گہرا نقش چھوڑن مانہ اپنو کردار ادا کیو بے۔

MUGHAL ROAD

سرینگر تیں جموں تے جموں تیں سرینگر جان غا کواہشمند مسافراں نانہ سہولت دین غی خاطر مُغل سڑک ٹریفک غی آؤ جائی واسطے کھول دتی گئی بے جموں کشمیر ٹریفک پولیس غی اک اطلاع غے مطابق اس شاہراہ ور نجی گڈیاں سمیت تمام لوہکی گڈیاں نانہ جموں تیں پونچھ غے رستے دوئے پاسیں مُغل سڑک تیں کشمیر سنگ جوڑن آلی اس شاہراہ ور چلن غی اجزات دتی گئی بے اس توں علاوہ ضروری چیزاں بستاں سنگ لدیں 4 سو گڈیاں نانہ وی کشمیردر جان غی اجزات دتی گئی بے اسے دوران قومی شاہراہ نمبر 44 جھڑی ضلع ادھمپور مانہ جکھینی تیں بلی نالہ بشکار پسیاں غی وجہ نال بند ہو جان غے بعد اُس غی بحالی گو کم وی جاری بے۔

EID MILAD UN NABI

حضرت محمد ﷺ غی یوم ولادت یعنی عید میلاد لہنی غو تہوار اج بکھ بکھ حصار مانہ منایو جاریو بے صدر جمہوریہ دروپدی مرمو تے وزیر اعظم نریندر مودی نے لوکاں نانہ عید میلاد لہنی غی مبارک دتی بے سماجی میڈیا غی ایک پوسٹ ور صدر جمہوریہ نے ملک غوام تیں خاص کر مسلمانان نانہ عید غی مبارک دتی اُن گو کہنو تھو جے لوکاں نانہ پہائی چارہ غا جذبہ تے حضرت محمد ﷺ غی تعلیمات ور چلتا واں اگے بدھن غو عظم کرنو چاہیے۔ اسے دوران وزیر اعظم نریندر مودی نے ای اپنی ایک سماجی میڈیا غی پوسٹ ور اُمید ظاہر کی بے جے یوہ دن سماج واسطے امن تے خوشحالی لے غے آؤنگو اُنہاں نے اُمید ظاہر کی بے جے آپسی پائی چارہ غو جزبو خدمات تے انصاف غی اقداد برکسے نانہ رہنمائی مہیا کران مانہ مدد دیں گی۔
